

# Покрѡв Пресвятѡй Богорѡдицы.

## ВСЕНОЩНОЕ БДЕНИЕ. КАНОН:

### ПЕСНЬ 1:

#### КАНОН ПРАЗДНИКА, ГЛАС 4:

**Хор:**

**Ирмос:** Отвѣрзу уста моя,/ и наполнятся Духа,/ и слово отрыгну Царѣце Матери,/ и явлюся, светло торжествуя,// и воспою, радуясь, Той чудеса. *(Дважды)*

**Чтец:**

**Припѣв:** Пресвятая Богородице, спаси нас.

**Тропарь:** С чинми святых Ангел и с соборы пророк и апостол,/ в славе велицей, яко Мати Божия,/ днесь в церковь вшедши, за христианы молишися,/ от напасти и печали избавляеши вся,// покрываючи Твоею милостию. *(Трижды)*

**Припѣв:** Пресвятая Богородице, спаси нас.

**Тропарь:** Скинию Тя Моисей и жезл Ааронов именовал:/ Ты бо животное древо, Христа, процвела еси,/ к Немуже дерзновение имущи, за ны, чествующия Тя, Царѣце, помолися/ избавити нас от всякаго зла,// да Твоего Покрова праздник славим. *(Трижды)*

**Припѣв:** Пресвятая Богородице, спаси нас.

**Тропарь:** Не яко пред кивотом древле, собрав, Давид, лики, играет,/ но паче ныне с чинми святых пред Тобю текуще в церковь, Тебе кланяющиеся, глаголют:/ моли за чествующия Тя люди,// да Твой славяще Покров, честно празднуем. *(Дважды)*

**Слава Отцу и Сыну и Святому Духу.**

**Тропарь:** Поют Тя, Богородице, Ангельстии чини,/ и славят патриарси со святители пред лицом Ти, текуще в церковь./ С нимиже Тя тогда святой Андрей виде, за ны грешныя, к Богу молящуюся,// помилovati люди, славящия Твоего Покрова праздник.

**И ныне и присно и во веки веков, аминь.**

**Тропарь:** Поют Тя, Богородице, Ангельстии чини,/ и славят патриарси со святители пред лицом Ти, текуще в церковь./ С нимиже Тя тогда святой Андрей виде, за ны грешныя, к Богу молящуюся,// помилovati люди, славящия Твоего Покрова праздник.

#### КАТАВАСИЯ, ГЛАС 4:

**Хор:** Отвѣрзу уста моя,/ и наполнятся Духа,/ и слово отрыгну Царѣце Матери,/ и явлюся, светло торжествуя,// и воспою, радуясь, Той чудеса.

### ПЕСНЬ 3:

#### КАНОН ПРАЗДНИКА, ГЛАС 4:

**Хор:**

**Ирмос:** Твоя песнословцы, Богородице,/ живый и независтный источник,/ лик Себе совокупльшия духовно, утверди,/ в Божественней Твоей славе// венцев славы сподоби. *(Дважды)*

**Чтец:**

**Припев:** Пресвятая Богородице, спаси нас.

**Тропарь:** Клас прозябшая Божественный,/ яко нива неоранная яве,/ радуйся, одушевленная трапезо,/ Хлеб Животный вмещающая.// Радуйся, Животная воды источник неистощимый, Владычице. *(Трижды)*

**Припев:** Пресвятая Богородице, спаси нас.

**Тропарь:** Твои раби, Владычице,/ в церкви Твоей верою предстояще, Твоея ожидаем милости:// посети наше смирение и Твоим святым Покровом защити люди от всякаго зла. *(Трижды)*

**Припев:** Пресвятая Богородице, спаси нас.

**Тропарь:** Многоименитая Дево,/ пророки проображена честно, иже Тебе ныне со Ангелы служат./ С нимиже о нас к Богу молися,// да Твоего Покрова святым день, радуешься, вси светло празднуем. *(Дважды)*

**Слава Отцу и Сыну и Святому Духу.**

**Тропарь:** Гедеон Тя руну прообрази,/ на Тя бо, яко роса, Христос Бог сниде,/ к Немуже, Богородице, молися, победу дати воинству нашему на враги,// да яко Мадиямы низложив, прославим святым Твой праздник.

**И ныне и присно и во веки веков, аминь.**

**Тропарь:** Паче солнечных луч Твоим блистающим омофором освещаеши Церковь и люди/ и тьму грехов наших отгониши посещением Твоим, Богородице,// к Сыну Твоему и Богу за ны молящихся.

#### КАТАВАСИЯ, ГЛАС 4:

**Хор:** Твоя песнословцы, Богородице,/ живый и независтный источник,/ лик Себе совокупльшия духовно, утверди,/ в Божественней Твоей славе// венцев славы сподоби.

#### ЕКТЕНИЯ МАЛАЯ...

#### СЕДАЛЕН ПРАЗДНИКА, ГЛАС 5:

Теплая Предстательнице и непобедимая,/ упование известное и непо-

сты́дное,/ стено́, и покрóве, и пристáнище прибега́ющим к Тебе́,/ Присноде́во Чы́стая,/ Сы́на Твоего́ и Бо́га моли́ со Ангелы/ умире́ние да́ти ми́ру, и спасе́ние, // и ве́лию ми́лость.

**Сла́ва Отцу́ и Сы́ну и Свято́му Ду́ху и ны́не и прýсно и во ве́ки веко́в. Ами́нь.**

Тéплая Предста́тельница и непобеди́мая,/ упова́ние изве́стное и непосты́дное,/ стено́, и покрóве, и пристáнище прибега́ющим к Тебе́,/ Присноде́во Чы́стая,/ Сы́на Твоего́ и Бо́га моли́ со Ангелы/ умире́ние да́ти ми́ру, и спасе́ние, // и ве́лию ми́лость.

#### ПЕСНЬ 4:

##### КАНОН ПРАЗДНИКА, ГЛАС 4:

**Хор:**

**Ирмо́с:** **Седя́й в сла́ве на Престо́ле Божества́,/ во о́блаце ле́гце,/ при́иде Иису́с Пребоже́ственный,/ нетле́нною длáнию, и спасе́ зову́щия: // сла́ва, Христе́, си́ле Твое́й. (Дважды)**

**Чтец:**

**Припе́в:** **Пресвята́я Богоро́дице, спаси́ нас.**

**Тропа́рь:** **Во гла́сах пе́ний, Де́во, Тебе́ вопие́м, Всепе́тая:/ ра́дуйся, тучная горó и усыре́нная Ду́хом./ Ра́дуйся, све́щнице и ста́мно, Ма́нну нося́щая, // услажда́ющая всех благочесты́вых чу́ства. (Трижды)**

**Припе́в:** **Пресвята́я Богоро́дице, спаси́ нас.**

**Тропа́рь:** **Па́че Ааро́ня киво́та всю Тя Бог освяти́л есть Ду́хом, Богоро́дице, Святы́м,/ и Ангелом служи́ти Тебе́ повеле́,/ с ни́миже за град и лю́ди моли́ся, // Твой сла́вящих честны́й пра́здник. (Трижды)**

**Припе́в:** **Пресвята́я Богоро́дице, спаси́ нас.**

**Тропа́рь:** **Прииди́ ны́не в сла́ве в Твою́, Богоро́дице, це́рковь с собо́ры всех святы́х,/ я́коже иногда́ Тя святы́й Андре́й ви́де на возду́се све́тле, за христиáны моля́щуюся, // и пода́ждь нам Твою́ ми́лость. (Дважды)**

**Сла́ва Отцу́ и Сы́ну и Свято́му Ду́ху.**

**Тропа́рь:** **Укрепи́, Влады́чице, сла́вящее Тя во́инство на́ше на проти́вныя враги́,/ я́ко Дави́да на Голиа́фа;/ да Тебе́, веселя́щися, вопие́м: // ра́дуйся, покрóве святы́й и Засту́пнице граду́ на́шему.**

**И ны́не и прýсно и во ве́ки веко́в, ами́нь.**

**Тропа́рь:** **Тебе́ припада́ем, Госпоже́, ве́рою и, покланя́ющися, благода́рно вопие́м Ти:/ ра́дуйся, Богоблагодáтная Де́во, покрóве, и огражде́ние на́ше, и Помо́щнице в беде́ су́щим, // спаси́ нас, к Тебе́ прибега́ющих, на Тя бо наде́емся.**

КАТАВАСИЯ, ГЛАС 4:

**Хор:** Седяй в славе на Престоле Божества, / во облаце легце, / прииде Иисус Пребожественный, / нетленною дланию, и спасе зовущия: // слава, Христе, силе Твоей.

ПЕСНЬ 5:

КАНОН ПРАЗДНИКА, ГЛАС 4:

**Хор:**

**Ирмос:** Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя // мир подавающая. *(Дважды)*

**Чтец:**

**Припев:** Пресвятая Богородице, спаси нас.

**Тропарь:** Одр Тя древле Соломон написа / и ложницу Небеснаго Царя, обступаему Серафимы, еже о Тебе речеся, Богородице. / Тем Тя ныне молим, Мати Божия Всесвятая: // покрый нас от всех бед. *(Трижды)*

**Припев:** Пресвятая Богородице, спаси нас.

**Тропарь:** Тебе Ангелов старейшины и честнии пророцы со апостолы / яко Матери Божии честно служат, / видяще Тя за мир молитву творящу; // Твоя же прошения послушав, Господь спасает град и люди, на Тя надеющиеся. *(Трижды)*

**Припев:** Пресвятая Богородице, спаси нас.

**Тропарь:** Великий Тя во пророчех Исаия прорече, глаголя, Бога родити неискусобратно: / Ты бо, Чистая Марие, святейши всех была еси, / Бога бо во утробе и на руку носила еси. // Ему же за ны молися, Твоим осеняючи Покровом верою Тя славящих. *(Дважды)*

**Слава Отцу и Сыну и Святому Духу.**

**Тропарь:** Духовными паряще крылы, святых собори тайно приидоша Тебе послужити, Богородице, / видяще Тя на легце облаце славы, ко Спасу Христу молящуюся // подати победу воинству нашему, погубити воюющих нас.

**И ныне и присно и во веки веков, аминь.**

**Тропарь:** Духовными паряще крылы, святых собори тайно приидоша Тебе послужити, Богородице, / видяще Тя на легце облаце славы, ко Спасу Христу молящуюся // подати победу воинству нашему, погубити воюющих нас.

КАТАВАСИЯ, ГЛАС 4:

**Хор:** Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси Безлетнаго Сына, / всем воспевающим Тя // мир подавающая.

ПЕСНЬ 6:

КАНОН ПРАЗДНИКА, ГЛАС 4:

**Хор:**

**Ирмос:** Божественное сие и всечестное/ совершающе празднество,/ Богомудрии, Богоматере,/ приидите, руками восплещим,// от Нея рождагося Бога славим. *(Дважды)*

**Чтец:**

**Припев:** Пресвятая Богородице, спаси нас.

**Тропарь:** Иереи Богомудрии, в церкви Твоей с людьми благочестивыми предстояще,/ Твоей ожидают, Богородице, милости:/ прменй на радость нашу печаль, Радость бо родила еси,// всех человеков грехи отпустившаго. *(Трижды)*

**Припев:** Пресвятая Богородице, спаси нас.

**Тропарь:** Тебе вся земля дары приносит/ яко Царице Божии Матери:/ архиереи кланяются и людие вси веселятся,// покрываемы от всякаго зла Твоими, Богородице, молитвами. *(Трижды)*

**Припев:** Пресвятая Богородице, спаси нас.

**Тропарь:** Гору Тя велику Даниил пронаписа:/ из Тебе бо без семени родися Христос/ и сокруши всю демонскую лесь, и всю Своея веры исполни землю.// К Немуже за ны, Богородице, молися, славящая Твоего Покрова праздник. *(Дважды)*

**Слава Отцу и Сыну и Святому Духу.**

**Тропарь:** Ангельский глас зываем Ти, Пречистая:/ радуйся, Престоле Божий, на немже Иезекииль виде Господа в подобии человека, носима Херувимы.// С нимиже за ны, Богородице, молися, да спасет души наша.

**И ныне и присно и во веки веков, аминь.**

**Тропарь:** Ангельский глас зываем Ти, Пречистая:/ радуйся, Престоле Божий, на немже Иезекииль виде Господа в подобии человека, носима Херувимы.// С нимиже за ны, Богородице, молися, да спасет души наша.

КАТАВАСИЯ, ГЛАС 4:

**Хор:** Божественное сие и всечестное/ совершающе празднество,/ Богомудрии, Богоматере,/ приидите, руками восплещим,// от Нея рождагося Бога славим.

ЕКТЕНИЯ МАЛАЯ...

КОНДАК ПРАЗДНИКА, ГЛАС 3, ПОДОБЕН: "ДЕВА ДНЕСЬ":

**Чтец:** Дева днесь предстоит в церкви/ и с лики святых невидимо за ны молится

Бóгу,/ Ангели со архиереи покланяются,/ апóстоли же со прорóки ликов-  
ствуют:// нас бо рáди мóлит Богорóдица Превéчнаго Бóга.

ИКОС:

Тоя преслáвных чудес,/ приидите, лю́дие, насладимся:/ Сéю бо Ада́м от тли  
избáвися./ Та бо и ковчéг, не Нóем, но Бóгом сотворéн бысть./ Дрéвле úбо Мои-  
сéй в купинé óгненной Бóга видети не возмóже,/ ны́не же от Тоя Рóждшагося вся  
земля́ знаёт Сы́на Бóжия,/ к Немúже за ны мóлится./ Сегó рáди прославляем Ю́-  
яко Бóжию Мáтерь:// нас бо рáди Богорóдица мóлит Превéчнаго Бóга.

ПЕСНЬ 7:

КАНОН ПРАЗДНИКА, ГЛАС 4:

**Хор:**

**Ирмос:** Не послужи́ша твáри Богомúдри,/  
пáче Созда́вшаго,/ но óгненное пре-  
щéние мúжески попра́вше,/ рáдовахуся, пою́ще:// препéтый отцéв Гос-  
пóдь и Бог благословéн еси. *(Дважды)*

**Чтец:**

**Припéв:** Пресвятáя Богорóдице, спаси́ нас.

**Тропа́рь:** Неиспи́санная мнóгими прорóки,/ несвéдома же бысть, Дéво, Небéсными  
служáщими Бóгу Ангелы;/ ны́не же вси вéмы Тя Богорóдицу,// и Твоея́  
тréбуем пóмощи и заступлéния, Благословéнная. *(Трижды)*

**Припéв:** Пресвятáя Богорóдице, спаси́ нас.

**Тропа́рь:** Горá, усырénная Дúхом,/ ю́же Аввакúм ви́де точáщу вéрным целéбную  
сла́дость, Богорóдице Дéво,/ исцели́ ны, Сы́ну Твоемú вопию́щия:// благо-  
словéн Бог отéц на́ших. *(Трижды)*

**Припéв:** Пресвятáя Богорóдице, спаси́ нас.

**Тропа́рь:** Преклонíвый Небеса́ в Тя, Дéво, всели́ся/ и ны́не на молíтву Твою́ зрит,  
Богорóдице Чíстая, Твое, Царíце, исполня́я прошéние:// Емúже за ны  
усéрдно помолíся, на Тя бо надéемся, Благословéнная. *(Дважды)*

**Сла́ва Отцú и Сы́ну и Свято́му Дúху.**

**Тропа́рь:** Тво́рче, Спа́се наш, Христé Бóже, прими́ молíтву Твоея́ Мáтере,/ ю́же Тебе́  
за ны, грéшныя, принóсит,/ да Тебе́, рáдующеся, поём:// препéтый отéц  
на́ших Бóже, благословéн еси́.

**И ны́не и прíсно и во вéки векóв, ами́нь.**

**Тропа́рь:** Тво́рче, Спа́се наш, Христé Бóже, прими́ молíтву Твоея́ Мáтере,/ ю́же Тебе́  
за ны, грéшныя, принóсит,/ да Тебе́, рáдующеся, поём:// препéтый отéц  
на́ших Бóже, благословéн еси́.

КАТАВАСИЯ, ГЛАС 4:

**Хор:** Не послужиша твѣри Богомудрии,/ паче Создавшаго,/ но огненное  
прещѣние мужески поправше,/ радовахуся, поюще:// препѣтый отцѣв  
Господь и Бог благословѣн еси.

ПЕСНЬ 8:

КАНОН ПРАЗДНИКА, ГЛАС 4:

**Хор:**  
**Ирмос:** Отроки благочестивыя в пещи/ Рождество Богородично спасло есть,/  
тогда убо образуемое,/ ныне же действующее,/ вселенную всю воздвизает  
пѣти Тебѣ:/ Господа пойте делѣ// и превозносите Его во вся вѣки. *(Дважды)*

**Чтец:**

**Припѣв:** Пресвятая Богородице, спаси нас.

**Тропарь:** С чинми Ангел, Владычице,/ с честными и славными пророки, с  
верховными апостолы, и со священномученики, и со архиереи за ны,  
грешныя, Богу помолися,// Твоего Покрова праздник в Российской земли  
прославльшия. *(Трижды)*

**Припѣв:** Пресвятая Богородице, спаси нас.

**Тропарь:** Гордыню и шатания низложи и советы неправедных разори,/ зачи-  
нающих рати погуби, о Божия Мати, Царице Всечестная,/ и православных  
рог возвыси, да Твой праздник славим, Пречистая Богородице Дево, зо-  
вущее:// Господа воспевайте делѣ и превозносите Его во вся вѣки. *(Трижды)*

**Припѣв:** Пресвятая Богородице, спаси нас.

**Тропарь:** Усты приносяще Тебѣ пение, и душею верно поклоняемся,/ ибо внутри  
сердца наша горят./ Мати Божия Пречистая, помилуй нас, молящихся Тебѣ,  
и Господа воспевающих,// и превозносящих Его во вся вѣки. *(Дважды)*

**Благословим Отца, и Сына, и Святаго Духа, Господа.**

**Тропарь:** Многими отягчихся грехи, недоумею по достоянию написати Твоего Пок-  
рова, Богородице, похвалы,/ но яко Мати Божия украси Твой праздник чу-  
десы,// да вси, радуящиеся, поем Господа и превозносим Его во вся вѣки.

**И ныне и присно и во веки веков, аминь.**

**Тропарь:** Многими отягчихся грехи, недоумею по достоянию написати Твоего Пок-  
рова, Богородице, похвалы,/ но яко Мати Божия украси Твой праздник чу-  
десы,// да вси, радуящиеся, поем Господа и превозносим Его во вся вѣки.

КАТАВАСИЯ, ГЛАС 4:

**Хор:** Хвалим, благословим, поклоняемся Господеви, поюще и превозно-



сяще во вся вѣки.

**Отроки** благочестивыя в пещи/ Рождество Богородично спасло  
есть,/ тогда убо образуемое,/ ныне же действующее,/ вселенную всю  
воздвизает пѣти Тебѣ:/ Господа пойте дела// и превозносите Его во вся  
вѣки.

**Диакон:** Богородицу и Матерь Свѣта в пѣснях возвеличим.

### ПЕСНЬ ПРЕСВЯТОЙ БОГОРОДИЦЫ

**Хор:** Величит душа Моя Господа,/ и возрадовася дух Мой о Бозе Спасе Моём.  
**Честнейшую** Херувим/ и Славнейшую без сравнения Серафим,/ без  
истления Бога Слова рождшую,/ сущую Богородицу, Тя величаем.

**Я**ко призрѣ на смирение рабы Своея,/ се бо от ныне ублажат Мя вси роды.

**Честнейшую...**

**Я**ко сотвори Мне величие Сильный,/ и свято Имя Его, и милость Его в  
роды родов боящимся Его.

**Честнейшую...**

**С**отвори державу мѣщцею Своею,/ расточи гордыя мѣслию сердца их.

**Честнейшую...**

**Н**изложи сильные со престол, и вознесѣ смиренные;/ алчущия исполни  
благ, и богатящиеся отпусти тщи.

**Честнейшую...**

**В**осприят Израиля отрока Своего, помянути милости,/ якоже глагола ко  
отцем нашим, Аврааму и семени его, даже до века.

**Честнейшую...**

### ПЕСНЬ 9:

#### КАНОН ПРАЗДНИКА, ГЛАС 4:

**Хор:**

**Ирмос:** Всяк земнородный/ да възиграется, Духом просвещаемь,/ да торже-  
ствует же Безплотных умов естество,/ почитающее священное торже-  
ство Богоматере,/ и да вопиет:/ радуйся, Всеблаженная,// Богородице  
Чистая Приснодево. *(Дважды)*

**Чтец:**

**Припев:** Пресвятая Богородице, спаси нас.

**Тропарь:** Высокий Царю, со Отцем седяй и от Серафим воспеваемый,/ призри на  
молитву Матерню, юже Тебѣ за ны, грешныя, приносит,/ и очисти грехи  
наша, спаси град, и люди умножи,// даждь нам здравие телесе и на поганя  
победы, молитвами Рождшия Тя. *(Трижды)*



**Припéв:** Пресвятáя Богорóдице, спаси нас.

**Тропáрь:** Ангельский глас вопиém Тебé, Дéво Богоизбрáнная:/ рáдуйся, яже Адáма пáки в рай ввэдшая;/ рáдуйся, дéмоны прогонящи Твоим и́менем;/ рáдуйся, надéжде христиáн;/ рáдуйся, освящéние душ;// рáдуйся, Хранительнице гра́да нáшего. *(Трижды)*

**Припéв:** Пресвятáя Богорóдице, спаси нас.

**Тропáрь:** Помяни нас во Твоих молитвах, Госпожé Дéво Богорóдице,/ да не погíбнем за умножéние грехóв нáших./ Покрый нас от всякаго зла и лю́тых напáстей:// на Тя бо уповаém и, Твоегó Покрóва прáздник чéствующе, Тя величаém. *(Дважды)*

**Слáва Отцú и Сыну и Свято́му Дúху.**

**Тропáрь:** Дар от Бóга прияла еси́ яко Мáти Бóжия/ всех христиáн недúги исцеля́ти,/ и от бед избавля́ти, и грехи́ отпу́щати,/ и от пленéния спаса́ти и всякия нúжды./ Но и нас не прéзри, Госпожé: véси бо, ихже трéбуем,// здра́вия телесém и душáм спасéния.

**И ны́не и прísно и во véки веко́в, ами́нь.**

**Тропáрь:** Дар от Бóга прияла еси́ яко Мáти Бóжия/ всех христиáн недúги исцеля́ти,/ и от бед избавля́ти, и грехи́ отпу́щати,/ и от пленéния спаса́ти и всякия нúжды./ Но и нас не прéзри, Госпожé: véси бо, ихже трéбуем,// здра́вия телесém и душáм спасéния.

КАТАВАСИЯ, ГЛАС 4:

**Хор:** Всяк земнорóдный/ да взыгра́ется, Дúхом просвещáемь,/ да торжествúет же Безплóтных умóв естество́,/ почита́ющее священное торжество́ Богомáтере,/ и да вопиét:/ рáдуйся, Всеблажéнная,// Богорóдице Чíстая Приснодéво.

ЕКТЕНИЯ МАЛАЯ...

**Диáкон:** Свят Госпóдь Бог наш.

СВЕТИЛЕН ПРÁЗДНИКА, ПОДÓБЕН: "ЖЕНЫ́, УСЛЫ́ШИТЕ":

**О** Пресвятáя Госпожé, Дéво Богорóдице!/ Покрый нас чудéсным Твоим омофо́ром,/ сохраня́я град и лю́ди от всякаго зла,/ якоже Ты пречúдный Андрей ви́де во Влахёрнстей цéркви моля́щуюся;// и ны́не нам, Госпожé, послí великую Твою́ мýлость. *(Дважды)*

**Слáва Отцú и Сыну и Свято́му Дúху и ны́не и прísно и во véки веко́в, ами́нь.**

**О** Пресвятáя Госпожé, Дéво Богорóдице!/ Покрый нас чудéсным Твоим омофо́ром,/ сохраня́я град и лю́ди от всякаго зла,/ якоже Ты пречúдный Андрей ви́де во Влахёрнстей цéркви моля́щуюся;// и ны́не нам, Госпожé, послí великую Твою́ мýлость.